

Namołwa němskich biskopow k njedźeli Charity 2022

Lube sotry a lubi bratřa!

Caritas – to je žiwa lubosć k blišemu. Wona zwoprawdza so mjez znatymi a njeznatymi, analognje a digitalnje, we wosadach a socialnych službach a w zarjadnišćach po wšěm swěće. Caritas – to rěka z wotewrjenymaj wočomaj po swěće hić, swoje žiwjenje džělic a wužadanjow so zhromadnje přimać.

2022 zhladujemy z wulkej džakownosću hižo na 125 lět zwjazkowu Caritu.

Lětna kampanja Němskeho zwjazka Charity #DasMachenWirGemeinsam nam přiwoła: Wulke wužadanja zmištrujemy najlěpje, hdyž so jim zhromadnje wěnujemy a syć pomocnych poskitkow a akterow tworimy.

Hłuboke slědy zawostaja lětsa wójna w Ukrainje. Mnozy ludžo njesměrnje wójny, namocy a čekanja dla ćerpja. Njeličene organizacije Charity po wšěj Europje pomhaja, runje tež z tym, zo z komunami, wosadami, ciwilnotowaršnostnymi organizacijemi a druhimi dobroćelskimi zwjazkami na městnje hromadže džětaja.

Hłuboke slědy je tež trajaca pandemija w njeličenych čłowjekach zawostajiła. Stari a młodži ludžo běchu ze socialnej izolaciju, z financnymi starosćemi a čłowjeskim přežadanjom konfrontowani. Caritas džěli potrjeby a angažuje so na dwoje wašnje: z tym, zo socialnu pomoc poskića a z tym, zo wuhotuje socialne městna, na kotrychž so ludžo za druhich angažuja.

Hłuboke slědy wšak je skónčnje zašte horce lěčo zawostajiło – w lěsach a w ratarstwje. Runočasnje bliži so zyma, w kotrejž nas eksorbitantnje wysoke płacizny miliny a płuna do wuskosćow přinjesu. Zalutowanje energije jako wažny přinošk k škitej klimy dyrbi so tak poradzić, zo móža tež ludžo z niskimi dochodami tak žiwi być, zo njeby to naslědnym generacijam na škodu było.

Konkretne projekty kaž check Carity k lutowanju miliny tomu přinošuja. Solidarnosć, to zhromadnje činimy! Zo by so to poradziło, prosymy na njedźeli Carity Was wo dar, kotryž je za mnohe naležnosće Carity w našich wosadach a w diecezach postajeny. Za wšě Waše dary so jara wutrobnje dźakujemy.

Berlin, 20. junija 2022

Za Drježdźansko-Mišnjanske biskopstwo

+ Heinrich Timmerevers

Drježdźansko-Mišnjanski biskop

Tale namoŭta ma so njedźelu, 11. septembra 2022 (alternatiwnje: 18. septembra 2022), na wšěch kemšach – inkluziwnje předwječornych – předčitać respektiwnje na přihódne wašnje wozjewić.